

詩

總

聞

三





詩 總 聞

(三)

王 質 撰

詩總聞卷十一

鴻鴈三章

鴻鴈于飛。肅肅其羽。之子于征。劬勞于野。爰及矜人。哀此鰥寡。
西北鴻雁來正月節。此詩當是春時。鴻雁初歸。故鄉新棲未定。舊迹已湮。故曰哀鳴嗷嗷。當是授民以田也。最可憐者。孤獨鰥寡之人。而重可哀者。鰥寡之人也。老而無子。尚可養。旁親爲義子。幼而無父。尚可依他族爲義父。惟老而無妻。無復更娶。老而無夫。無復更嫁。終身永已。故尤可哀也。

鴻鴈于飛。集于中澤。之子于垣。百堵皆作。雖則劬勞。其究安宅。
當是授民以舍也。雖勞畢事。則歸家自解之詞也。

鴻鴈于飛。哀鳴嗷嗷。維此哲人。謂我劬勞。維彼愚人。謂我宣驕。

哲人。暢于人情。憫我之勞也。愚人。暗于物理。謂我爲民任勞。示之以驕。將不可令也。大率一種無識者。謂百姓不足。顧恤則頑。案顧恤下當更惟有是事。則深懲無事。則勿顧。則民知畏而易馭。彼以爲有術有能。而不自知其直愚也。

聞音曰。野。上與切。寡。果五切。澤。徒洛切。宅。達各切。班氏。陳湯傳。斬越王母鼓。顏氏。西域傳。作母寡。此作母鼓。聲相近。蓋其土音不甚諦也。此音至漢猶存。至唐已不傳矣。鄭氏縫人注。引書宅西曰昧谷。作度。

西曰柳穀陸氏古文宅與度相近因而誤此音至漢亦存至唐又不傳也大率古音漸遠漸轉而況愈遠今併載于此

總聞曰此士大夫將王命而定民所者也三章勛勞皆士大夫自謂恐難獨以中章爲勸民之辭汝今雖病勞終有安居此意甚佳但語勢不爾

庭燎三章

夜如何其夜未央庭燎之光君子至止鸞聲將將
夜如何其夜未艾庭燎晰晰君子至止鸞聲噦噦
夜如何其夜鄉晨庭燎有輝君子至止言觀其旂

聞音曰將七羊切艾魚肺切晰之世切輝許云切旂渠斤切

總聞曰鄭氏宣王問早晚之辭人君數問夜亦非體此當是執事之人夜未央未艾而聞車音夜鄉晨而見旂色嘆夜漏之未盡而朝臣之已集也若曰不圖今日復見盛時威儀久不接耳目驟以爲驚且爲喜也恐是殿廷之間宮掖之內執事者相與問答之辭也禮鷄人夜嘯旦以警百官漢儀中黃門持五夜甲乙丙丁戊相傳衛士未明衛士起唱所謂鷄鳴歌也或是此曹

沔水三章

沔彼流水朝宗于海駛彼飛隼載飛載止嗟我兄弟邦人諸友莫肯念亂誰無父母

汙彼流水。其流湯湯。𪛗彼飛隼。載飛載揚。念彼不蹟。載起載行。心之憂矣。不可弭忘。

屈氏少徙依而遙思。招憫悅而永懷。意荒蕩而流湯。心愁悽而增悲。言不循法度之人。而反以我爲此。流故懷憂如此。鄭氏以起行爲妄。興師出兵。事實旣不然。人情亦不爾。若此。詩人之情喪也。

𪛗彼飛隼。率彼中陵。民之訛言。寧莫之懲。我友敬矣。讒言其興。

陳氏闕汙彼流水云云八字。亦精攷者。然不必如此。前二章見隼止汙水之旁。後一章見隼循中陵之上。當是中陵與汙水異途。各道所見。不必相同也。

聞音曰。海虎猥切。友羽軌切。母滿罪切。湯失羊切。行戶郎切。

聞跡曰。汙水出武都沮縣。毛氏疎漏未攷。

總聞曰。當是關輔諸侯。有來朝後時者。興下之讒。致上之疑。往時固有亂者。固有不蹟者。今誰念之而傲之乎。皆由訛言不懲。故懷敬君之心。得慢君之咎。有此讒也。見順流之水。自適之禽。而嘆其不如是。必其讒已就。欲見而不敢見。慮蹈禍也。此或爲其友愬讒者。故曰我友敬矣。讒言其興。

鶴鳴四章

鶴鳴于九臯。聲聞于野。魚潛于淵。或在于渚。

樂彼之園。爰有樹檀。其下維蘄。他山之石。可以爲錯。

澤玩鶴。水玩魚。言賢者退處自樂也。不惟如此。而園有檀。可以爲器。其墮葉亦可以代薪。其穀菜亦可

以爲茹山有石亦可以爲礪取用何闕所以爲樂也。

鶴鳴于九臯聲聞于天魚在于渚或潛在淵。

樂彼之園爰有樹檀其下維穀他山之石可以攻玉。

聞音曰野上與切檀徒沿切天淵從今音不必作鐵因一均詩用天二十三用淵六雖無叶他年縈年

二切既叶亦可吳氏不必從一讀也。

聞章曰舊二章今爲四章。

聞物曰穀菜葉似王瓜實若龍葵今山間多食之。

總聞曰清修隱逸之士多喜觀鶴亦多喜觀魚列子詹何莊子惠子之事可見載在傳記及今篇章甚

多。

祈父三章

館本案。原本僅存首章。解義一條。餘皆缺。

祈父止予王之爪牙。胡轉予于恤。靡所止居。

此士卒怨將帥之辭也。呼之以父而告之以情。我于王爲爪牙。衛國家者也。何忍轉我于憂。不安其居。

而無所止。怨之辭也。

祈父止予王之爪士。胡轉予于恤。靡所底止。

祈父止。豈不聰。胡轉予于恤。有母之尸饗。

白駒四章

皎皎白駒。食我場苗。繫之維之。以永今朝。所謂伊人。於焉逍遙。
皎皎白駒。食我場藿。繫之維之。以永今夕。所謂伊人。於焉嘉客。
皎皎白駒。賁然來思。爾公爾侯。逸豫無期。慎爾優游。勉爾遁思。

此必舊爲公侯。而今遁山林者也。度斯人浪適。其來無期。少寄丁寧頌禱之詞。愛賢之親也。
皎皎白駒。在彼空谷。生芻一束。其人如玉。母金玉爾音。而有遐心。

始猶冀白駒之來。可以施謀。今不復望。知白駒終不復出也。猶欲寄生芻以秣白駒。而又恐其人過執。雖芻亦不肯受也。今相疏如此。不可闕其音。而與我絕。有相速之意也。蓋欲時通訊問。以求善言也。
聞音曰夕。祥翕切。客。克各切。古。客皆讀如恪。三恪。卽三客也。孔叢子。陳王問太師。三恪曰。封夏殷之後。爲二代。紹虞帝之裔。備三恪。恪。敬也。禮之如賓客也。客恪皆同。楚辭。易林。古詩。漢歌。皆用此。思。新齋切。總聞曰。此亦在野之賢者。尙與世相通。欲求道義爲師友。而所欲挽者。又長往而不返者也。

黃鳥三章

黃鳥黃鳥。無集于穀。無啄我粟。此邦之人。不我肯穀。
案穀當爲穀。觀下聞訓。知雪。
言旋言歸。復我邦族。

此離散之餘。去本邦而寓他土者也。借黃鳥爲辭。無集于穀。無啄我粟。留爲歸資。復見舊族也。厭他土。

而思本邦之辭也。

黃鳥黃鳥。無集于桑。無啄我梁。此邦之人。不可與明。言旋言歸。復我諸兄。
黃鳥黃鳥。無集于栩。無啄我黍。此邦之人。不可與處。言旋言歸。復我諸父。

聞音曰。明。謨郎切。兄。虛王切。父。扶雨切。

聞訓曰。無集于穀。楮也。不我肯穀。善也。上穀。從木。下稽。從米。案穀廣韻以爲俗字。今各本皆作穀。之別。一從木。一從禾耳。雪山不審於此。故釋東門之枌穀。旦。以穀爲木。釋鶴鳴之穀。又以爲穀榮也。

總聞曰。當是爲生異方。必經多時。種木植禾已成。不復戀而決舍去也。此邦必有所不可留。而非得已也。

我行其野三章

我行其野。蔽芾其樗。昏姻之故。言就爾居。爾不我畜。復我邦家。
我行其野。言采其蓫。昏姻之故。言就爾宿。爾不我畜。言歸思復。
我行其野。言采其葍。不思舊姻。求爾新特。成不以富。亦祇以異。

此以貧欲棄舊姻。而以富欲求新匹者也。雖成不足以致富。假使有得。亦終散而不聚也。適足以爲怪言。逐夫而適夫。豈有此理也。此皆增辭。
聞音曰。家。古胡切。葍。筆力切。異。逸織切。

聞物曰樗。卽楮也。毛氏他氏皆但謂之惡木。不言何木也。樗楮相通。今俗傳雖薪亦不堪。然皮可紙。實可練。葉可覆麴醬。極易長茂。蓬蒿。毛鄭皆云惡菜。鄭氏言蓬。牛薺菜也。郭氏方莖。莖長而銳。有穗。有花。紫縹。鄭氏蒿。蒿也。爾雅。蒿茅也。郭氏蒿。大葉白花。赤花爲薺。初不言何物。本草陳氏引詩言采其蓬。羊蹄草也。許氏以薺爲蒿。一名薺。集韻卞氏薺。木槿也。引詩顏如薺英。雖不引此。然今木槿有白紫二種。與郭氏正合。人雖采。但不見食爾。當是西北與東南又不同。總聞曰。觀此詩。然後知前詩之所以不可處者也。二詩當出一人。

斯干九章

秩秩斯干。幽幽南山。如竹苞矣。如松茂矣。兄及弟矣。式相好矣。無相猶矣。干。幹也。今言人命上下爲支干。故下言松竹也。凡居向南爲正面。南山則坐北山也。言面勢物色皆嘉也。式好無猶。言門戶氣象又皆嘉也。

似續妣祖。築室百堵。西南其戶。爰居爰處。爰笑爰語。

然後興功作室也。似續。生者之室也。妣祖。死者之室也。死戶向西坐東也。生戶向南坐北也。死者于此居處。生者于此笑語。言安其所也。

約之閣閣。椽之橐橐。風雨攸除。鳥鼠攸去。君子攸芋。

自此以下每章結以君子芋有數訓。平聲。一草盛也。一大也。仄聲。草名也。吳氏所引說文。大葉實根駭

人故謂之芎。王遇切者。乃從芎也。于文象氣之舒。若從芋當作平聲。于文象氣之平。雖通用。而有異意。集韻。輻芋通用。荒胡切。覆也。大也有也。用此爲的。鄭氏改芋爲輻。亦不悞。但不須變字爾。去除皆當從平聲。

如跂斯翼。如矢斯棘。如鳥斯革。如翬斯飛。君子攸躋。殖殖其庭。有覺其楹。噲噲其正。嘖嘖其冥。君子攸寧。

皆生者所享也。

下莞上簟。乃安斯寢。乃寢乃興。乃占我夢。吉夢維何。維熊維羆。維虺維蛇。

居旣安。則福可致也。

大人占之。維熊維羆。男子之祥。維虺維蛇。女子之祥。

鄭氏熊羆在山陽之祥也。虺蛇在穴陰之祥也。此意甚嘉。而未盡。凡物不蟄者屬陽。蟄者屬陰。虎以冬交。藉陰以成也。蛇以夏交。藉陽以成也。牀在高陽也。而璋以水成。濟以陰也。地在下陰也。而瓦以火成。濟以陽也。古人處事制法。無不合理。無羊之夢亦然。魚陰也。禾亦陰也。魚非水則不生。然附日影乃成。禾非水則不生。然向日色乃成。蓋同類也。故夢魚占豐年。旗鳥隼飛者。陽類也。然寒乃健旄。龜蛇潛者。陰類也。然熱乃毒萬物。無逃二氣之間。故夢旗旄多室家。蓋陰陽相交。男女乃孳也。易曰。天地絪縕。萬物化醇。男女構精。萬物化生。

乃生男子。載寢之牀。載衣之裳。載弄之璋。其泣嚶嚶。朱芾斯皇。室家君王。

室家皆事君王。言貴近也。

乃生女子。載寢之地。載衣之裼。載弄之瓦。無非無儀。唯酒食是議。無父母詒罹。

男子願使爲公卿。女子乃不願使爲后妃。惟議酒食。所謂中饋也。此事多詒父母之憂。罕延門戶之福。有識士大夫所以不欲也。鄭氏儀善也。婦人無所專于家事。有非。非婦人也。有善。亦非婦人也。此意亦嘉而未盡。但不當彰是非之名于外爾。

聞音曰。苞。補振切。茂。莫口切。好。許厚切。猶。余久切。戶。後五切。革。訖力切。正。諸盈切。簞。子禁切。今人猶有此聲。吳氏前二章皆用引韻。此一章不用。未詳。蓋未察此也。寢。千尋切。夢。彌登切。蛇。余支切。瓦。危委切。議。魚羈切。

聞章曰。舊九章。四章七句。五章五句。今略如舊章。而差移舊句。

聞事曰。四如言人功之敏也。跂敏于足。而若有翼者。言如鳥也。矢敏于遠。而又敏于近。棘讀作戟。鳥敏于羽。而若有革。言若獸也。翬敏于躍。而又敏于飛。翬。雉也。飛一作蜚。蜚如螟。春秋。秋有蜚。總聞曰。此士大夫卜地于室者也。以爲王者無見。無羊。倣此。

無羊五章

誰謂爾無羊。三百維羣。誰謂爾無牛。九十其牝。

爾羊來思。其角濺濺。爾牛來思。其耳濕濕。或降于阿。或飲于池。或寢或訛。爾牧來思。何蓑何笠。或負其餼。三十維物。爾牲則具。爾牧來思。以薪以蒸。以雌以雄。

第五句。爾牲則具。當移入第七句。以薪以蒸。下以薪蒸之葉。爲牛羊雌雄之食也。羊以三數。皆三百頭。是羊羣之數。牛以十數。凡九十頭。是牛羣之數。三十之物。比也。蓋應上數。

爾羊來思。矜矜兢兢。不騫不崩。壓之以肱。畢來既升。

第二句。矜矜兢兢。下恐少。爾牛來思一句。羊小畜。矜矜兢兢。羊畏聳貌。牛大畜。不騫不崩。牛堅重貌。明兢兢下。不騫上。少爾牛一句。

牧人乃夢。衆維魚矣。旐維旗矣。太人占之。衆維魚矣。實維豐年。旐維旗矣。室家溱溱。


聞音曰。惇而純切。濺。莊立切。池。唐何切。物。微律切。今猶有此音。雄于陵切。孔氏。兆如山陵。有夫出征。而喪其雄。繇辭皆韻。又古讀雄與陵爲韻。詩。正月無羊。皆以雄韻。陵韻。蒸又張氏。賓爵下華。田鼠上騰。牛哀虎變。繇化爲熊。久血爲燐。積灰生蠅。或疑張氏王氏。古讀熊與雄。皆于陵切。張氏用舊韻也。年。彌因切。

聞章曰。舊四章。今爲五章。

聞字曰。濺濺。銳貌。正羊角之狀。從角尤佳。不從角亦可。說文。和也。毛氏。息也。似不必他訓。牛安。則耳潤。病。則耳燥。濕濕。牛安也。毛氏。動也。訓亦似未當。羊以角言。牛以耳言。恐是當時降阿飲池。皆爲水所沾。

後世不肯從物情時態推測。古人簡易之意。多以造意爲能。然古字亦通用。斯于于加草。亦是于意。戢從水。亦止是銳意。

總聞曰。此詩每章稱爾。必雙舉牛羊。而此章獨闕牛。案此章當作第四章。文勢似不具。識者更詳。此士大夫檢校畜產料理生業者也。喪亂之後。零替者多。忽然見之人。相與生驚。故曰誰謂爾無也。



詩總聞卷十二

節南山十章

節彼南山。維石巖巖。赫赫師尹。民具爾瞻。憂心如惔。不敢戲談。國既卒斬。何用不監。師官尹氏也。不敢戲談。有所畏避也。下章皆有不敬之意。當是其人雖無可敬。而其位貌亦有可憚者。何所用心而不監。小人之爲惡。問之不欲斥言也。下章稱何稱誰。做此。

節彼南山。有實其猗。赫赫師尹。不平謂何。天方薦瘥。喪亂弘多。民言無嘉。憯莫懲嗟。

尹氏太師。維周之氏。秉國之均。四方是維。天子是毗。俾民不迷。不弔昊天。不宜空我師。

氏。抵也。旁紐作氏。爲國之根。一重也。執國之平。二重也。四方所藉以爲維。三重也。天子所倚以爲毗。四重也。下民視之以爲明。五重也。尹氏可謂重臣。而失職如此。不宜使斯人居尊官。當是尹氏以六官司空之職。兼三公太師之任。故曰不宜空我師。愬之于天。不欲斥言也。下章稱天做此。

弗躬弗親。庶民弗信。弗問弗仕。勿罔君子。式夷式已。無小人殆。瑣瑣姻亞。則無膺仕。

呼尹氏爲君子。尊之辭也。戒小人勿得欺尹氏。憐之辭也。下章稱君子做此。用平。則已無近小人。無使姻亞爲膺仕。有此二者。則不平也。曉之辭也。

昊天不傭。降此鞠訕。昊天不惠。降此大戾。君子如屆。俾民心闕。君子如夷。惡怒是違。

訥訟也。當是尹氏不平。羣臣多爭。卒章亦及訥。爾如能止。則彼鞠訥之心自息。爾如能平。則彼惡怒之氣自去。勸之辭。大率此詩詆之多言不平。曉之多言夷。

不弔昊天。亂靡有定。式月斯生。俾民不寧。憂心如醒。誰秉國成。不自爲政。卒勞百姓。

亂與月俱生。言有增也。爾秉政而不自爲政。言爲交爭者所奪。所以政多門。而民受弊也。駕彼四牡。四牡項領。我瞻四方。蹙蹙靡所騁。

當是小人銜王命。乘使車。言封疆之蹙如此。小人安能遠騁。但擾四境之內爾。

方茂爾惡。相爾矛矣。既夷既懌。如相醜矣。

方盛怒。俄相歡。小人常態也。

昊天不平。我王不寧。不懲其心。覆怨其正。

皆因尹氏不平。故小人交爭。我王不寧。小人之罪奚逃。不革其心而反怨其正。當是有規正者。重憎怨也。亦小人常態也。

家父作誦。以究王誥。式訛爾心。以畜萬邦。

家父不敢戲言。而顯言作誦者。以告于王也。盡爲王道其致誥之故。皆因尹氏不平也。化尹氏之心。反不平以爲平。則可畜天下之衆。不然。小人愈盛。民將散而無與爲國也。

聞音曰。山所旃切。巖魚杵切。猗於何切。嘉居何切。氏都黎切。信斯人切。仕鋤里切。子獎禮切。殆養里切。

傭、敕龍切。訥、許容切。屈、居氣切。闕、睦桂切。天、鐵因切。定、唐丁切。生、桑經切。姓、桑經切。醺、市由切。正、諸盈切。誦、侯容切。邦、土工切。邦、本音切。外、又卜功切。瞻、彼洛矣。君子至止。福祿旣同。君子萬年。保其家邦。與此同。又披耕切。桓綏萬邦。屢豐年。補因切。凡見詩者如此。他所不舉。

聞跡曰。南山、韓氏。吾聞京城南。茲惟羣山囿。卽是此山。左氏惟言節。無南山字。

聞人曰。家父見魯桓八年。桓王也。十五年。莊王也。舊說刺幽王。自幽王之死。至是七十五年。尙能爲王出使求車。刺幽王之詩。皆老臣之詞。則約百餘歲矣。故此未必刺幽王也。

總聞曰。尹氏之不平。罪本在于王。而不指歸王。小人之鞠訥。罪本在于尹氏。而不深言尹氏。家父蓋忠愨而恕厚者也。度尹氏亦無大惡。但居位而不舉職。無公言直道。而不能控制小人。就其上而班之。胡廣趙戒之流也。

正月十三章

正月繁霜。我心憂傷。民之訛言。亦孔之將。念我獨兮。憂心京京。哀我小心。癘憂以瘳。當是賢者避患去國。具見所懷。與所遇所見者。小心故懷憂致病。

父母生我。胡俾我瘵。不自我先。不自我後。好言自口。莠言自口。憂心愈愈。是以有侮。所遇不在先。不在後。適與我相當。何爲于此時而生我。致此病也。與我生不辰同意。憂心愈愈。是以有侮。憂事太過。則招侮。言多畏則易陵也。